

VICTORY HMONG ALLIANCE CHURCH

“Be imitators of Christ living together in victory”

1 Corinthians 11:1; 15:57-58



602 Acewood Blvd - Madison, WI - 53714 - www.victoryhmong.org

TSAVNTAWV TSHAJXO (NEWSLETTER)

SEPTEMBER 2021



SENIOR PASTOR:

Kx. Tswv Tub Vwj

Nyob zoo cov
ntseeg sawvdaws.
Cia Vajtswv txoj
kev thajyeeb nyob

xeeb nrog nraim nej txhua tus. Vam hais tias sawvdaws yuav noj qab nyob zoo lub sijhawm no. Txawm peb tseem nyob rau txojkev kabmob COVID no los kuv ntseeg hais tias sawvdaws tseem niaj hnuv nrhiav noj nrhiav haus thiab ua neej li qub. Nej tsis cia tej kabmob no tav nej kev, tiamsis nej cog kev ntseeg rau Vajtswv ua tus tsoomkwm nej. Tsis tau txhais hais tias koj thiab kuv yuav tsis xyuamxim, tiamsis peb tsis cia kev txhawj thiab kev ntshai txwv tsis pub peb ua neej txhua hnuv. Qhov loj yog peb txojkev ciasiab thiab kev qabsiab ua neej yog nyob rau ntawm peb tus Vajtswv. Nws yog peb txojkev pab thiab kev fajxwm. Txawm lub ntiajteb no yuav raug yam dabtsi los peb yeej vamkhom rawv Vajtswv. Los ntawm Nws, peb tsis ntshai rhais kaujruam mus rau yav tomntej. Tsis muaj ib yam uas yuav txo tau peb lub zog rau kev ua neej. Kuv thov hais txhawb rau nej txhua tus hais tias Vajtswv yeej yuav tsis pub peb taug kev ib leeg. Nws yeej yog peb tus kwvluag nrog nraim peb txhua lub sijhawm. Vajtswv yeej yog tus tabncuab peb. Nws nyob tau txhua qhov chaw. Nws paub txhua yam. Nws muaj hwjchim puvntoob pab tau koj thiab kuv. Nyob rau ntawm Vajtswv, peb yuav tau lub

zog ib yam li tus dav uas ya siab tshaj tej roob siab. Peb yuav muaj zog kovyeej yam tshwmsim rau lub ntiajteb no.

Tib pliag xwb, twb tau ib lub xyoos txwm nkaus uas muaj tsab ntawv tshajxo no lawm. Kuv thiab Xh. Isaiah wb twb pib tsab ntawv no thaum lub 9 hlis, xyoo 2020 los lawm. Yog yuav muab tig rov saib qab, Vajtswv pab rau peb pawgntseeg ua tau ntau yam rau hauv pawgntseeg. Nws kuaj pub rau peb muaj 25 tug tswvcuab tshiab los zwm rau peb pawgntseeg xyoo 2021 no. Peb them tas peb lub tuamtsev rau thaum lub 12 hlis, xyoo 2020. Peb yuav tau lub tsev xibhwb thib ob rau Xh. Isaiah nkawd thaum lub 7 hlis dhau los. Peb xa tau cov sawvcev mus rau HKM lub rooj sablaj txwm xyoo. Kuv thiab niam xibhwb wb nrog rau Xh. Isaiah nkawd kuj mus rooj cobqhia xibhwb thiab niam xibhwb rov los txog tsis muaj teebmeem dabtsi li. Pawgntseeg tau pab kuv kev kawm thiab kev mus xeeb ua tsawbkws xibhwb dhau los tsis muaj kev covnyom qhovtwg. Thiab peb pawgntseeg tau ua koobtsheej them lub tuamtsev tas dhau mus rau qhov zoo. Tej yam loj-loj no thiab lwm yam, twb yog Vajtswv tej koobhmoov rau peb pawgntseeg xwb. Yog li ua Vajtswv tsaug. Nws yog tus pub rau peb pawgntseeg muaj peevxwm ua tau tej no. Txawm lub ntiajteb yuav raug kev nyuaj thiab teebmeem licas los Vajtswv yeej nrog nraim peb. Cia Vajtswv tibleeg tau koobmeej. Thiab cia peb txhua tus vamkhom Nws txhua hnuv, vim Nws yog tus hluab peb thiab tabncuab peb. Thov Vajtswv foom koobhmoov rau nej txhua tus.

TXOJLUS TXHAWBZOG: “Nrog Yexus Mus”

Tus Sau: Kx. Tswv Tub Vwj

Mathais 8:19-22 hais tias, *“Muaj ib tug xibhwb qhia Vajtswv txoj Kevcai tuaj cuag Yexus thiab hais tias, ‘Xibhwb, kuv yuav nrog koj mus, txawm yog koj yuav mus qhovtwg los kuv yuav nrog koj mus.’”* Yexus teb tus ntawd hais tias, *“Txawm yog hma los muaj qhov nkaum, thiab noog los muaj zes tiamsis Neeg Leejtub tsis muaj chaw pw thiab so.”* Muaj dua ib tug uas yog ib tug thwjtim hais tias, *“Tus Tswv, thov cia kuv mus faus kuv txiv tso, kuv mam li nrog koj mus.”* Yexus teb hais tias, *“Koj cia li nrog kuv mus, cia cov neeg tuag faus lawv tus tuag.”*

Lub neej ntseeg Yexus tsis yog ib lub lam uasi xwb. Ua ntej peb yuav nrog Yexus mus lossis los ntseeg Yexus, peb yuavtsum xav thooob-thooob thiab muaj kev thooobtsib tosnrog txog qhov peb yuav ua ntawd. Lub neej nrog Yexus mus yuav tsis zoo li ntiajteb daimduab txog kev ua neej. Yexus hais tias tus uas yuav nrog Yexus mus, nws yuavtsum paub hais tias nyob rau ntawm Yexus, nws lub neej yuav zoo li cas. Nws yuavtsum txaus siab muaj lub neej li Yexus lub. Nyob lub ntiajteb no, Yexus tsis muaj ib qho chaw nyob, chaw pw lossis chaw so. Yexus yuav mus rau ub rau no. Yexus yuav tso niam tso txiv tseg mus rau lwm lub zej lub zos. Nws yuav tsis muaj vaj muaj tsev. Nws yuav tsis nrog lwm tus muaj nyiaj muaj txiaj. Txawm muaj tus txheeb tus ze lossis niamtxiv tau tag simneej, nws twb tsis nyob ntawd pab tau. Yexus lub neej yog lub zoo li no.

Lub neej no yog nws hais ncainraim rau ob tug tibneeg uas yog tus xibhwb rau Vajtswv Txojlus thiab tus thwjtim uas yeej suav nws tus kheej hais tias nws yog tus koom nrog Yexus lawm. Yog yuav muab txhais rau peb hnuv no ces yog hais ncainraim rau cov xibhwb thiab cov thawjcoj

hauv pawgntseeg. Tiamsis kuj muab hais tau rau cov ntseeg txhua tus thiab.

Yog peb yuav ua ib tug nrog Yexus mus, peb yuavtsum txaus siab muaj lub neej li Yexus. Txawm peb tsis muaj vaj muaj tsev zoo, muaj chaw pw chaw so, muaj yam zoo, thiab yam xws teb xws chaw li lwm tus, los peb tsis tso kev nrog Yexus mus tseg. Qhov no yog qhov qhia hais tias peb yeej tiv taus kev txomnyem thiab kev tsis muaj. Txawm peb yuav ua lub neej taugkev nyob tsis muaj chaw los peb yeej txaus siab. Tsis tas li ntawd xwb, yog peb nrog Yexus mus tiag, peb yeej txaus siab tso yam tseemceeb rau peb tus kheej tseg. Xwslu peb yeej txaus siab tso peb tsevneeg tseg, es nrog Yexus mus. Tus xibhwb, tus thawjcoj, tus thwjtim, thiab tus ntseeg yuavtsum ua tau li no mas nws thiaj yog tus yuav nrog tau Yexus mus tiag. Yog lub ntiajteb no thiab tsevneeg tseem tseemceeb tshaj Yexus lawm, ces txhais tau hais tias tus ntawd yeej tsis kam nrog Yexus mus tiag-tiag.

Cov ntseeg, lub neej nrog Yexus mus yog peb yuavtsum muaj lub siab hais tias txawm txomnyem los peb yuav nrog Yexus mus. Txawm yuav tau tso yam tseemceeb hauv peb lub neej tseg los peb yeej tso tau tagnrho. Hnuv no koj puas kam nrog tus Tswv Yexus mus tiag?

LUS UA TSAUG:



Ua ntej no, thov qhia rau sawvdaws paub hais tias lub 9 hlis no xaus, kuv tsevneeg yuav tau tshais chaw hauv peb pawgntseeg mus rau nram Hauvpaus Kooshaum Hmoob lawm.

Kuv thiab niam xibhwb ua tsaug rau nej txhua tus uas tau hlub, tau pab, tau muab, tau thov Vajtswv pab, thiab tau nqistes txhawb rau wb tsevneeg. Ua tsaug rau cov txwjlaug thiab lub rooj tsavxwm, cov thawjcoj ntawm txhua phab ministries, thiab nej sawvdaws uas sivzog pab nqistes ua Vajtswv haujlwm. Peb pawgntseeg lojhlob zujzus thiab ua tau Vajtswv haujlwm nce qib zujzus twb yog nej sawvdaws. Txawm wb mus lawm los Vajtswv yuav txib lwm tus xibhwb los coj thiab txhawb pawgntseeg kom loj ib theem ntxiv. Wb mus lawm los wb yeej yuav nco sawvdaws. Tiamsis wb paub hais tias Vajtswv yeej yog tus nrog nraim nej. Yog li thov Vajtswv foom koobhmoov rau nej txhua tus.



**ASSOCIATE
PASTOR
Xh. Isaiah Thor**

Dear Victory Hmong Alliance Church, we were hit with the sad news last month that Kx. Tswv Tub and his family will be transitioning over to Hmong District at the end of this month. I cannot believe that we have only about two weeks left with them. Although my heart breaks over this news, I am excited to see God use Kx. Tswv Tub in this new season of his life. May we all be reminded of God's faithfulness in bringing Kx. Tswv Tub into our church. Thank you Kx. Tswv Tub to you and your family and for everything that you guys have done for our church during your time here. You guys will most definitely be missed.

Youth Night Gatherings will continue starting this week on September 17th every Friday Night at 6:30pm-8:30 as usual. Thank you all for your patients and for doing your part in caring for and nurturing your family with the word of God. As we transition back

into Friday Nights, we would like to encourage you to have your children stay home if he or she is not feeling well. We will provide masks and have a sanitary station upon entering the church for those in need. Feel free to reach out to me if you have any further questions or concerns regarding Friday Nights. You can reach me at Isaiahthor@gmail.com or 608-577-0578. Thanks!

LUS TSHAJXO:



1. Nqua hu peb cov tswvcuab txhua tus uas muaj hnuvnyoog 16 xyoo rov sauv suam npe ua tswvcuab dua (membership renewal). Yog xav tau cov ntawv, los ntsib Tl. Nchaiv Daus Hawj lossis Xh. Isaiah.
2. Qhia rau peb cov tswvcuab txhua tus paub hais tias HKM tau txib Kx. Tswv Tub mus pab HKM txhais phau Vajluskub txhawb rau kev kawm (Bible Study) pib lub 10 hli no mus. Yog li Kx. Tswv Tub yuav so haujlwm hauv peb pawgntseeg thiab tshais chaw mus nyob rau nram HKM uas yog nyob Thornton, CO lawm.
3. Peb lub rooj Xa Moo Zoo (Mission Conference) yuav muaj nyob rau lub 10 hlis, tim 8-10. Qhov komtswj yog li no:
 - * Friday tsausntuj yog 6:00pm-9:00pm rau cov hluas (youth and single adult) nyob tom tuamtsev.
 - * Saturday tavsua thaum 12:00pm-2:00pm yog rau pawgntseeg rau hauv tuamtsev.
 - * Sunday yog muaj kev pehawm Vajtswv li qub rau thaum 1:00pm-2:30pm.
 Thov sawvdaws ceev cov sijhawm no cia thiab tuaj koom. Thiab yog leejtwg xav hnav tsoostsho Hmoob lossis lwm haivneeg tej tsoostsho los tau.

4. Yog leejtwg cheemtsum kev thov Vajtswv lossis tuaj saibxyuas tom tsev, thov hu rau Xh. Isaiah thiab cov txwjlaug. Pib lub 10 li no mus, Xh. Isaiah yuav ua tej yam haujlwm uas yog Kx. Tswv Tub feem mus txog rau thaum pawgntseeg tau tus thawj xibhwb tshiab.

THOV VAJTSWV RAU (PRAYER ITEMS):



1. Thov Vajtswv pab rau pab Kavxwm Nrhiav Xibhwb thiab rau tus thawj xibhwb uas yuav los pab pawgntseeg.
2. Thov Vajtswv pab rau cov ua haujlwm nram Hauvpaus Kooshaum Hmoob.
3. Thov Vajtswv pab rau pawgntseeg kev xaivtsa yuav los rau lub 11 hlis no.
4. Thov Vajtswv rau peb pawgntseeg lub rooj Xa Moo Zoo thiab khub niamtxiv xibhwb yuav tuaj saib peb rau thaum lub 10 hli, tim 8 txog 10.

QUOTE:

“Kuv xum nrog Yexus mus es hloov tau lub ntiatseb no, kuv tsis xum nyob twjywm es tsuas tsis tau ib tug neeg li.”

“I rather follow Jesus and change the world, then stay where I am and influence no one at all.”

~ Kx. Tswv Tub Vwj ~

**NEW MEMBERS:
Mary Lo and her sons**



**PAWGNTEEG HLAUV NTAUV THEM
TUAMTSEV TAS
(MORTGAGE BURNING CELEBRATION)
August 29, 2021**

